

Christian Klein

**Iusta Funebria Quae Exequiis Venerandi Senis, Viri ... Dn. Heinrici Schuckmanni,
Osnabrug Westphali, I.U. Doctoris ... Cuius vitam ... Anno cl Ic LVI. 19.
Septe[m]br. Humanis exempti ...**

Rostochii: Richelius, 1656

<http://purl.uni-rostock.de/rosdok/ppn77742178X>

Druck Freier  Zugang



Bodock, L.
in
H. Schuckmann.
Rost. 1656.



JUSTA FUNEBRIA

Qua Exequiis

Venerandi Senis,

*Viri, dum viveret, Nobilissimi, Amplissimi,
Consultissimi, Excellentissimi,*

**DN. HEINRICI
SCHUCKMANNI,**

OSNABRUG WESTPHALI,

J. U. Doctoris, Codicis Professoris in hac
inclyta Academia, & Juridici Ordinis Senio-
ris ut emeriti, ita de Republ. literaria omnibusq; bonis
meritissimi, Consistorii Ducalis Assessoris Eminentissimi,
Promotoris, Fautoris & Præceptoris sui
honoratissimi,

*Cujus vitam (de quo illud Senatus Rom in Valeria-
num, apud Trebell. Polthonem, verissime usurpari potest, vita
Schuckmanni Censura fuit.) in exemplum optat, Memoriam
semper festam ducer, Morte vita compari, h. e. pia &
placida Anno c. 1776 LVI. 19. Septēbr. Humanis
exempti, sibi satis, nobis verò nimium
quam præmaturè, tumulandi 24.*

Die ejusdem, per solvit

Mœrens gemensq;

CHRISTIANUS Klein/ Rost.

J. U. Cand,

—(o)—

ROSTOCHII

Typis Johannis Richelii, Senatus Typogr.

Qveis obitum, SCHUCKMANNE, Tuum, qveis
funera verbis
Prosequar, incertum est: Lachrymas dolor inde
ministrat,

Inde jubet lessos Tua vita cavere minores.
Navita ceu medius depensus in æquore ventis,
Hincq; instat Boreas, stridens hinc imminet Auster,
Hinc lateri incumbit Caurus, jam nescius artis
Obliquare ratem, deponere carbasa, serum
Cum videt auxilium, clavum contingere spernit
Sed sua ventorum committit fata favori,
Sic mea divisis liqvescunt pectora curis
Affectuq; stupent vario: mollissimus udas
Solvitur in lachrymas sensus, dum pondero quantum
Te moriente Tus, quantum hæc Academia, quantum
Deperdant qui recta colunt & Jura thesaurum.
Tu caput atq; ingens nostri cultura Lycæi,
Tu decus atq; Pater, plenum Tibi pectus honesti
Præceptisq; æqui; longos sapientia canos
Considerat multâ rerum experienciâ & usu.
Patronum Te sancta Themis sibi norat, apertos
Cujus fallebant haud unquam crimina vultus,
Hæc ego dum recoqvo, dum Te vixisse recento,
Affectus vincunt animum, & commune bonorum
Insequor exemplum lachrymis sua damna fatentum:
Ceu tacita in campis mussant pecora, occubat ingens
Si caput armenti, consuetaq; pabula temnunt,
Ast contra si corde puro, quam ditia mentem
Præmia synceram maneat, si cogito vitam
Quam geris intactam, atq; domus præcepta severæ
Antiquisq; paris; Natos si lustro Parentis

Forma-

Formatos cenfore animo, cunctiq; capaces
Muneris, in summum eductos Academiae honorem.
Si recolo, ingenio tot dispensata laborum
Agmina per longum senium; & cum missio honesta
Ocia per Leges dederat, Tu nulla petisti:
Sed dum vita fuit, dum spiritus, omne fibrarum
Largitus Domini es sacris studiisq; bonorum.
Hæc ego si verso, & felix quod terminat annos
Exodium, vigili quo Te statione solutum
Jussit adesse DEUS, nostriq; relinquere curas;
Spiritus eductus vinculis ut corporis arces
(Præpes uti sursum aut celeris festinat arundo,)
Ætherias subiit, lætoq; immixtus ovatu
Justorum choreis, digna sede potitur,
Hæc ubi nulla animum disturbant tristitia, mœror
Exulat, & sancto sunt omnia plena JEHOVA.
Talia dum volvo, gemitus piget atq; dolorum,
Dispudet & questu tempus lacerasse, diemq;
Nuncupo ter festum reddit qui terrea terræ.
Parce, beate Senex, miscent si gaudia luctus;
Plaudo Tibi doleoq; simul, suspensaq; corda
Planctus & plausus media involvuntur utroq;
Lucida Te regio tenet, at nos mœror inumbrat
Noxq; mali, Tu liber eis queis angimur; altus
Te jam portus habet, medius nos pontus & undæ,
Teq; ducem strarum querimus navisq; magistrum.
Præparet ipse DEUS mentem, cui magna subire
Munia mandabit; dextram, cui robora clavi
Inferet, inq; Tuos iterum dimittet honores,
Ille DEUS Natos, summo quos tanta dolore
Affectit scissura sui soletur amico
Flaminis auxilio; Crescat profapia in ævum

Inclyta

Incluta SCHUCKMANNI, nunquam non larga nepotum
Copia, qui Patriam nostram, fora, jura, cathedras,
Pulpitâq; exornent, adsit; qui vivere secum
Perpetuo vultum & mentem testentur avitam.
Ulterius me vota trahunt; Tuus ille per omnes
Diffundat se animos animus, candorq; serenus.
Justitiæ sit cura eadem, quicunq; fatentur
Jura eadem, praviq; odium tecum omnibus æquum,
Tecum, *sancte Senex*, cujus venerabile nobis
Nomen erit, cingent urbem dum moenia nostram,
Dum Varnus pisces, volucres dum pascet Olympus,
Mentio dum recti terris, dum Jura manebunt,
I requiesce tuo corpus sub marmore clausum
Donec summa dies felici fœdere rursus
Conjunctet justam mentem corpusq; beatum.
Ultimum ego munus Tibi solvo, ut candida poscunt
Mensq; favorq; Tuus, claris ceu debeo Natis,
Atq; brevem magno titulum subscribo sepulchro:

Hic situs Eximius Juris Professor, honesti

Affiduus custos, nivei candoris amator:


Huncce imitari decet, Juvenis; Sic Jura coronas

Ei bona amas, dexter quorum ille fuit Director.

Quod Tetraſtichon turbatum hæc dabit.

HEINRICUS SCHUCKMAN, JURIS UTRIUSQUE DO-
CTOR, CODICIS IN HAC ACADEMIA ROSTO-
CHIENSI PROFESSOR, ET CONSISTORII DU-
CALIS, DUM VIVERET, ASSESSOR FUIT
VEL EMINENTISS.,
JAM VERO TER BEATUS.

ae : 20



Heu nimium fera mors! ulli sic parcere nescis?
Sic sine lege ruens cuncta dolore repleo
Non tibi sat, passim tela inter Martia quod nu-
Tot correpta ferox corpora fundis hum-
Quin etiam nostris fato crudelis ab oris
Auffers canitie, tum pietate gravem.
Heu luctus! dolor ah! fors ô fera! flebile fatum
Hei casus subitos, ancipitesq; nimis!
O Cives, Cives! largos hinc spargite fletus
Quod cecidit Patriæ fida columna meæ.
Sed, quanquam cecidit, cecidit tamen haud per-
Nam lætus cœli gaudia vera capit.

Lugens æmulus

Felix Fidlerus, Rost. SS

EPITAPHIUM

Gravissimo Seni

DN. HENRICO SCHUCKMANN

extractum.

Nill tegit hic tumulus, lector, nisi corporis ossa,
Extremo quod erit, ut fuit ante, die.
Scis cujus fuerit? SCHUCKMANNI, nomine c-
Quiq; fuit totus candidus atqve pius.
Qui dum vivebat doctus, virtutis amator,
Magnus præclaræ fautor & artis erat;
Et jus tractabat, legum Jurisq; peritus,
Quo mundus regitur dirigiturq; bene;
Justitiæq; pio cœlestis amore ferebat.
Mille viæ casus, tædia mille senex.
Hic periit. Sed quid? Virtus non passa perire est.
Spectatæ vitæ nam fuit atqve piæ.
Si pius, haud periit, summo sed in æthere felix
Vivit, nam requies mors solet esse piis.

Summa qvis ap

Michael Cordes/ Rost. SS. Th
B

